



AVISU

CUNCURSU DE IDEAS

“FAGHE·TI TESTIMONIAL PRO SA TERRA TUA”

S’Assòtziu “Àndala noa” at ammaniadu unu cuncursu de ideas pro una campagna de sensibilizatzione pro s’impreu de sa limba sarda in sas comunicatziones chi pertocant su respetu de s’ambiente e de sos benes comunes.

1) Sos interessados diant dèpere registrare unu vùdeo de unu minutu, faeddende in sardu, intre unu de custos àmbitos:

- respetu pro s’ambiente: fogos;
- respetu pro s’ambiente: àliga peri sas manchinas e discàrrigas abusivas;
- respetu pro s’ambiente: àliga in sas plajas e in mare.

2) Su cuncursu si dividit in duas fases. In sa primu fase si depet cumpilare e imbiare su mòdulu de partetzipatzione, paris cun su testu chi si cheret retzitare in su vùdeo, incarchende subra custu ligàmene: <https://tinyurl.com/ycff7mst>

3) Sos autores de sos testos chi ant a èssere seberados ant a èssere cuntatados dae s’Assòtziu pro sighire cun su progetu e ant a bìnchere unu **getone de 50 èuros**.

4) Sa dimanda de partetzipatzione, paris cun su progetu, depent lòmper a s’Assòtziu **intro de su 15 de su mese de trìulas**.

5) **Su vùdeo depet èssere registradu dae su 20 a su 26 de su mese de trìulas.**

6) **Caraterísticas de su vùdeo:**

- depet durare intre sos 40 e sos 60 segundos;
- podet èssere unu monòlogu o unu diàlogu cun non prus de duas pessones;
- podet èssere registradu fintzas cun su telefoneddu;
- non bi depent àere tzocos, mùsica, sutatìulos o peruna gràfica;
- est ammissa cale si siat variedae de sa limba sarda.

7) Sos autores de sos vîdeos tzedint sos deretos de sos textos e de sos vîdeos a s'Assòtziu culturale "Àndala noa", chi los podet impitare pro cale si siat iniziativa.

8) Imbiende sa dimanda de partetzipatzione s'atzetant sas cunditziones de custu avisu.

9) Cunforma a su GDPR (General Data Protection Regulation – Regulamentu Europeu 2016/679 pro s'amparu de sos datos personales de sas pessones) e a su D.L. 196/2003 (Còdighe in matèria de amparu de sos datos personales) dat s'autorizatzione a s'Assotziu culturale "Àndala noa" de impreare sos datos personales inditados in custu mòdulu pro comunicatziones chi pertocant custu progetu.

10) Sos interessados podent dimandare informatziones **petzi** imbiende unu messàgiu de posta eletrònica a s'indiritzu contest@andalanoa.it